



Broj: T09 0 KT 0170330 21
Sarajevo, 28.08.2026. godine

KANTONALNI SUD U SARAJEVU
Sudija za prethodno saslušanje

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH) **p o d i ž e m**

O P T U Ž N I C U

Protiv:

1. **JUSO BARUČIJA**, rođen 1965. godine, nastanjen u Sarajevu, u ulici, oženjen, završena SSS, po zanimanju građevinski poslovođa, služio vojni rok, srednjeg imovnog stanja, po narodnosti Bošnjak, državljanin BiH, JMB, **osuđivan** i to: **Presudom** Općinskog suda u Zenici broj 43 0 K 203471 22 K od 20.04.2022. godine, za krivično djelo iz člana 328. stav 3. u vezi sa članom 325. Krivičnog zakona Federacije Bosne i Hercegovine, na kaznu zatvora u trajanju od 6 (šest) mjeseci uslovno na 1 (jednu) godine i **Presudom** Osnovnog suda Sokolac broj 89 0 K 014091 10 OK od 17.05.2010. godine, za krivično djelo iz člana 410. stav 2. u vezi sa stavom 1. Krivičnog zakona Republike Srpske na novčanu kaznu u iznosu od 700,00 KM
2. **MIRHAN BOROVINA**, rođen 1988. godine, nastanjen u Sarajevu, u ulici, oženjen, otac dvoje mldb. djece, završena VSS, po zanimanju građevinski inženjer, nije služio vojni rok, srednjeg imovnog stanja, po narodnosti Bošnjak, državljanin BiH, JMB, **neosuđivan**

Što su:

JUSO BARUČIJA

Dana 05.08.2021. godine, u mjestu Raštelica, općina Hadžići, na izgradnji autoputa Koridora Vc, poddionica Lot-1 Tarčin – ulaz tunel Ivan, u svojstvu odgovorne osobe u smislu člana 2. stav 6. Krivičnog zakona Federacije Bosne i Hercegovine, kao direktor i odgovorno lice privrednog društva „Saring“ d.o.o. Sarajevo i podizvođač građevinskih betonskih radova, odnosno radova izrade, montaže i demontaže konstrukcijske skele i oplata na mostu Vijadukt Raštelica 2, koji radovi su izvođeni na osnovu *Ugovora o*

izvođenju građevinskih radova broj od 09.11.2020. godine, sklopljenog između naručioca radova privrednog društva „.....“ d.o.o. Sarajevo i izvođača radova privrednog društva „Saring“ d.o.o. Sarajevo, postupio protivno propisima i opće-priznatim tehničkim pravilima u građevinarstvu, svjestan da usljed neprovođenja propisanih mjera zaštite na radu i primjene mjera zaštite od pada sa visine, pri izvođenju građevinskih radova demontaže konstrukcijske skele, može izazvati opasnost za život ili tijelo ljudi i da padom sa visine može nastupiti smrt osobe, na što je i pristao, postupajući suprotno članu 22., članu 38, članu 46., članu 47., članu 48. i članu 49. Zakona o zaštiti na radu („Službene novine Federacije BiH“, broj 79/20), članu 75. Pravilnika o zaštiti na radu u građevinarstvu („Službeni list SFRJ“, br. 42/68 i 45/68), članu 49. stav (1) tačka 7) i članu 49. stav (2) Uredbe o uređenju gradilišta, obaveznoj dokumentaciji na gradilištu i sudionicima u građenju („Službene novine Federacije BiH“, br. 48/09, 75/09, 93/12, 74/13, 89/14, 99/14, 53/15 i 101/15) i članu 27. Pravilnika o zaštiti na radu privrednog društva „Saring“ d.o.o. Sarajevo, na način da nije izdao odgovarajuća uputstva za siguran rad koja su morala biti istaknuta na mjestu rada, nije izvršio osposobljavanje radnika za siguran i zdrav rad prilagođeno specifičnostima radnog mjesta, nije osigurao sredstva i opremu lične zaštite i njihovo korištenje, nije osigurao da poslove demontaže konstrukcijske skele obavljaju stručno osposobljeni radnici, niti je izvođenje tih poslova povjerio radnicima koji ispunjavaju propisane uvjete za rad na visini i demontažu skele, već je angažovao O.M. koji nije posjedovao stručnu kvalifikaciju niti stručno znanje za poslove građevinskog djelatnika – tesara, nadalje, postupajući suprotno članu 75. i članu 104. Pravilnika o zaštiti na radu u građevinarstvu te članu 7. stav (1) tačka c) i članu 49. stav (1) tačka 5) Uredbe o uređenju gradilišta, obaveznoj dokumentaciji na gradilištu i sudionicima u građenju, na način da nije imenovao voditelja radova niti osigurao da se radovi demontaže konstrukcijske skele izvode pod neposrednim nadzorom određene stručne osobe na gradilištu, niti je osigurao izdavanje pismenog naloga za demontažu skele, također, postupajući suprotno članu 70. i članu 103. Pravilnika o zaštiti na radu u građevinarstvu te članu 32. Pravilnika o ličnoj i zaštitnoj opremi privrednog društva „Saring“ d.o.o. Sarajevo, na način da nije osigurao zaštitu radnika od pada sa visine, nije osigurao obavezno vezivanje radnika sigurnosnim pojasom niti korištenje zaštitnog pojasa sa užetom ili kaišem za privezivanje prilikom izvođenja radova na visini, dalje, postupajući suprotno članu 74. i članu 82. navedenog Pravilnika o zaštiti na radu u građevinarstvu, na način da nije osigurao da skela bude postavljena, kontrolisana i korištena u skladu sa propisanim tehničkim zahtjevima niti provjeru njene ispravnosti i evidentiranje pregleda u kontrolnoj knjizi skele, te postupajući suprotno članu 2. i članu 5. tačka d) Ugovora o organiziranju i provođenju zaštite na radu broj zaključenog između privrednih društava „.....“ d.o.o. Sarajevo i „Saring“ d.o.o. Sarajevo, na način da nije osigurao provođenje ugovorenih mjera zaštite na radu, koordinaciju njihovog provođenja i kontrolu primjene mjera sigurnosti na gradilištu, usljed čega je O.M. prilikom izvođenja radova na demontaži konstrukcijske skele, sa nezaštićene površine skele, sa visine od oko 10m do 12m, pao na asfaltnu podlogu i zadobio teške tjelesne ozljede opasne po život, povreda glave i mozga u vidu razderano nagnječene rane desne tjemene regije, višestruki prelomi kostiju svoda i baze lobanje, krvarenje iznad i spod tvrde moždanice i u mekim moždanicama, nagnječine kore cijelog desnog sljepočnog i

tijemenog reznja, sa brojnim tačkastim krvarenjima u bijeloj materiji cijele desne polutke mozga, od kojih je na licu mjesta preminuo.

MIRHAN BOROVINA

Dana 05.08.2021. godine, u mjestu Raštelica, općina Hadžići, na izgradnji autoputa Koridora Vc, poddionica Lot-1 Tarčin – ulaz tunel Ivan, u svojstvu odgovorne osobe u smislu člana 2. stav 6. Krivičnog zakona Federacije Bosne i Hercegovine, koji je na osnovu člana 8. Ugovora o izvođenju građevinskih radova broj od 09.11.2020. godine, sklopljenog između naručioca radova privrednog društva „.....“ d.o.o. Sarajevo i izvođača radova privrednog društva „Saring“ d.o.o. Sarajevo, te Rješenja privrednog društva „.....“ d.o.o. Sarajevo broj od 10.03.2021. godine, imenovan ispred privrednog društva „.....“ d.o.o. Sarajevo kao diplomirani inženjer građevinarstva i upravitelj gradnje predmetnog gradilišta, svjestan da usljed neprovođenja propisanih mjera zaštite na radu i primjene mjera zaštite od pada sa visine, pri izvođenju građevinskih radova demontaže konstrukcijske skele, može izazvati opasnost za život ili tijelo ljudi i da padom sa visine može nastupiti smrt osobe, na što je i pristao, postupajući suprotno odredbama člana 32. Zakona o zaštiti na radu („Službene novine Federacije BiH“, broj 79/20), na način da kao lice koji organizuje ili rukovodi procesom rada nije osigurao primjenu propisa iz oblasti sigurnosti i zaštite zdravlja na radu, iako se radilo o tehnologiji i radovima kod kojih postoji opasnost od povreda na radu i poremećaja u tehnološkom procesu koji mogu ugroziti sigurnost i zdravlje radnika, dalje, postupajući suprotno članu 7. stav (1) tačka c), članu 49. stav (1) tačka 5), članu 49. stav (1) tačka 7) i članu 49. stav (2) Uredbe o uređenju gradilišta, obaveznoj dokumentaciji na gradilištu i sudionicima u građenju („Službene novine Federacije BiH“, br. 48/09, 75/09, 93/12, 74/13, 89/14, 99/14, 53/15 i 101/15), na način da od podizvođača „Saring“ d.o.o. Sarajevo nije zahtijevao niti provjerio postojanje akta o imenovanju voditelja radova odnosno odgovorne stručne osobe za izvođenje radova demontaže konstrukcijske skele, nije zahtijevao niti osigurao da se radovi demontaže konstrukcijske skele povjere stručno osposobljenim licima koja ispunjavaju propisane uvjete za obavljanje tih poslova, niti je spriječio da navedene radove obavlja O.M. koji nije posjedovao stručnu kvalifikaciju niti stručno znanje za poslove građevinskog djelatnika – tesara i demontaže konstrukcijske skele, te nije osigurao poduzimanje mjera za sigurnost radnika na gradilištu, nadalje, postupajući suprotno članu 75., članu 82. i članu 104. Pravilnika o zaštiti na radu u građevinarstvu („Službeni list SFRJ“, br. 42/68 i 45/68), na način da od podizvođača nije zahtijevao niti provjerio da se demontaža konstrukcijske skele izvodi pod nadzorom određene stručne osobe na gradilištu, da je izvršena kontrola i pregled ispravnosti skele i vođenje kontrolne knjige skele, niti da se demontaža skele vrši na osnovu pismenog naloga stručne osobe, tekođer postupajući suprotno članu 70. i članu 103. istog Pravilnika, na način da nije zahtijevao niti kontrolisao provođenje mjera zaštite od pada sa visine i obavezno vezivanje radnika prilikom izvođenja radova na visini, te postupajući suprotno članu 2. i članu 5. tačka d) Ugovora o organiziranju i provođenju zaštite na radu broj zaključenog između privrednih društava „.....“ d.o.o. Sarajevo i „Saring“ d.o.o. Sarajevo, na način da nije osigurao kontrolu provođenja ugovorenih mjera zaštite na radu

od strane podizvođača, usljed čega je O.M. prilikom izvođenja radova na demontaži konstrukcijske skele, sa nezaštićene površine skele, sa visine od oko 10m do 12m, pao na asfaltnu podlogu i zadobio teške tjelesne ozljede opasne po život, povreda glave i mozga u vidu razderano nagnječene rane desne tjemene regije, višestruki prelomi kostiju svoda i baze lobanje, krvarenje iznad i spod tvrde moždanice i u mekim moždanicama, nagnječine kore cijelog desnog sljepočnog i tjemnog režnja, sa brojnim tačkastim krvarenjima u bijeloj materiji cijele desne polutke mozga, od kojih je na licu mjesta preminuo

Dakle, Juso Baručija u svojstvu odgovorne osobe, pri izvođenju građevinskih radova i upravljanju građevinskim radovima postupio protivno propisima i opće priznatim tehničkim pravilima, uslijed čega je jedna osoba smrtno stradala, te Mirhan Borovina u svojstvu odgovorne osobe, pri izvođenju građevinskih radova i upravljanju građevinskim radovima postupio protivno propisima i opće priznatim tehničkim pravilima, uslijed čega je jedna osoba smrtno stradala

Čime bi Juso Baručija počinio krivično djelo teška krivična djela protiv opće sigurnosti ljudi i imovine iz člana 328. stav 2. Krivičnog zakona Federacije Bosne i Hercegovine (KZ FBiH) u vezi sa krivičnim djelom nepropisno i nepravilno izvođenje građevinskih radova iz člana 326. stav 1. istog Zakona, te **Mirhan Borovina** počinio krivično djelo teška krivična djela protiv opće sigurnosti ljudi i imovine iz člana 328. stav 2. Krivičnog zakona Federacije Bosne i Hercegovine (KZ FBiH) u vezi sa krivičnim djelom nepropisno i nepravilno izvođenje građevinskih radova iz člana 326. stav 1. istog Zakona.

KANTONALNA TUŽITELJICA